

四庫全書

集部

欽定四庫全書

集部  
成都文類卷  
四十九  
五十一

詳校官左中允<sub>臣</sub>塘五珠

助教<sub>臣</sub>常倫覆勘

總校官知縣<sub>臣</sub>繆琪

校對官學正<sub>臣</sub>周興岱

謄錄監生<sub>臣</sub>蔡臨

欽定四庫全書

成都文類卷四十九

雜著

四子講德論

褒為益州刺史作中和樂職宣布之詩又作論名曰  
四子講德以明其意焉

徵斯文學問於虛儀夫子由益聞國有道貧且賤焉耻

宋  
扈仲榮等編

漢王褒

也今夫子閉門距躍專精超學有日矣幸遭聖主平世  
而久懷寶是伯牙去鍾期而舜禹遁帝堯也於是欲顯  
名號建功業不亦難乎夫子曰然有是言也夫蠢蠢終  
日經營不能越階序附驥尾則涉千里攀鴻翮則翔四  
海僕雖器頑願從足下雖然何由而自達哉文學曰陳  
懇誠於本朝之上行話談於公卿之門夫子曰無介紹  
之道安從行乎公卿文學曰何為其然也昔甯戚商歌  
以干齊桓越石負芻而寤晏嬰非有積素累舊之歡皆

塗覲卒遇而以為親者也故毛嫱西施善毀者不能蔽  
其好嫫母倭傀善譽者不能掩其醜苟有至道何必介  
紹夫子曰咨夫特達而相知者千載之一遇也招賢而處  
友者衆士之常路也是以空柯無刃公輸不能以斲但  
懸曼矰蒲苴不能以射故鷹騰撇波而濟水不如乘舟  
之逸也衝蒙涉田而致遠未若遵塗之疾也才蔽於  
無人行衰於寡黨此古今之患唯文學慮之文學曰唯  
唯敬聞命矣於是相與結侶携手俱遊求賢索友歷於

西州有二人焉乘輅而歌倚輓而聽之咏歎中雅轉運  
中律曄緩舒繹曲折不失節問歌者為誰則所謂浮遊  
先生陳丘子者也於是以士相見之禮友焉禮文既集  
文學夫子降席而稱曰俚人不識寡見斯聞曩從末路  
望聽玉音竊動心焉敢問所歌何詩請聞其說浮遊先  
生陳丘子曰所謂中和樂職宣布之詩益州刺史之所  
作也刺史見太上聖明股肱竭力德澤洪茂黎庶和睦  
天人並應屢降瑞福故作三篇之詩以歌詠之也文學

曰君子動作有應從容得度南容三復白圭孔子睹其謹戒太子擊誦晨風文侯諭其指意今吾子何樂此詩而咏之也先生曰夫樂者感人密深而風移俗易吾所以歌詠之者美其君術明而臣道得也君者中心臣者外體外體作然後知心之好惡臣下動然後知君之節趨好惡不形則是非不分節趨不立則功名不宣故美玉蘊於砥砭凡人視之怏焉良工砥之然後知其和寶也精練藏於鑛朴庸人視之忽焉巧冶鑄之然後知其幹

也況乎聖德巍巍蕩蕩黎氓所不能命哉是以刺史推而詠之揚君德美深乎洋洋罔不覆載紛紜天地寂聊宇宙明君之惠顯忠臣之節究皇唐之世何以加茲是以每歌之不知老之將至也文學曰書云迪一人使四方若卜筮夫忠賢之臣導主志承君惠攄盛德而化洪天下安瀾比屋可封何必歌詠詩賦可以揚君哉愚竊惑焉浮遊先生色勃皆溢曰是何言歟昔周公詠文王之德而作清廟建為頌首吉甫歎宣王穆如清風列於

大雅夫世衰道微偽臣虛稱者殆也世平道明臣子不  
宣者鄙也鄙殆之累傷乎王道故自刺史之來也宣布  
詔書勞來不怠令百姓遍曉聖德莫不沾濡厖眉耆耆  
之老咸愛惜朝夕願濟湏臾且觀大化之溥流於是皇  
澤豐沛主恩滿溢百姓歡欣中和感發是以作歌而詠  
之也傳曰詩人感而後思思而後積積而後滿滿而後  
作言之不足故嗟歎之嗟歎之不足故詠歌之詠歌之  
不厭不知手之舞之足之蹈之此君子於君父之常義

古今一也今子執分寸而罔億度處把握而却寥廓乃欲圖大人之樞機道方伯之失得不亦遠乎陳丘子見先生言切恐二客慙膝步而前曰先生詳之行潦暴集江海不以為多鱗鱗並逃九罟不以為虛是以許由匿堯而深隱唐氏不以衰夷齊耻周而遠餓文武不以卑夫青蠅不能穢垂棘邪論不能惑孔墨今刺史質敏以流惠舒化以揚君采詩以顯至德歌詠以董其文受命如絲明之如緡甘棠之風可倚而俟也二客雖室計沮

議何傷願謂文學夫子曰先生微矜於談道又不讓乎  
當仁亦未巨過也願二子措意焉夫子曰否夫雷霆必  
發而潛民震動枹鼓鏗鏘而介士奮竦故物不震不發  
士不激不勇今文學之言欲以議愚感敵舒先生之憤  
願二生亦勿疑於是文繹復集乃始講德文學夫子曰  
昔成康之世君之德與臣之力也先生曰非有聖智之  
君惡有甘棠之臣故虎嘯而風寥戾龍起而致雲氣蟋  
蟀俟秋吟蜉蝣出以陰易曰飛龍在天利見大人鳴聲

相應仇偶相從人由意合物以類同是以聖主不遍窺  
望而視以明不殫傾耳而聽以聰何則淑人君子人就  
者衆也故千金之裘非一狐之腋大厦之材非一丘之  
木太平之功非一人之略也蓋君為元首臣為股肱明  
其一體相待而成有君而無臣春秋刺焉三代以上皆  
有師傅五伯以下各自取友齊桓有管鮑隰寧九合諸  
侯一匡天下晉文有咎犯趙衰取威定伯以尊天子秦  
穆有王王廖由由余五穀攘却西戎始開帝緒楚莊有

孫叔子友兼定江淮威震諸夏勾踐有種蠡泄庸尅滅  
強吳雪會稽之耻魏文有段干田翟秦人寢兵折衝萬  
里燕昭有郭隗樂毅夷破強齊困閔於莒夫以諸侯之  
細功名猶尚若此而況帝王選於四海羽翼百姓哉故  
有聖賢之君必有明智之臣欲以積德則天下不足平  
也欲以立威則百蠻不足攘也今聖主冠道德履純仁  
被六藝佩禮文屢下明詔舉賢良求術士招異倫拔駿  
茂是以海內歡慕莫不風馳雨集襲雜並至填庭溢闕

含淳詠德之聲盈耳登降揖遜之禮極目進者樂其條  
暢怠者欲罷不能偃息乎詩書之門遊觀乎道德之  
域咸潔身修德吐情素而披心腹各悉精銳以貢忠  
誠允願推主上洪風俗而騁太平濟濟乎多士文王所  
以寧也若乃美政所施洪恩所潤不可究陳舉孝以篤  
行崇能以招賢去煩蠲苛以綏百姓祿勤增奉以厲貞  
廉減膳食卑宮觀省田官損諸苑踈繇役振乏困恤民  
災害不遑遊宴閔耄老之逢辜憐縗絰之服事惻隱身

死之腐人悽愴子弟之縲匿恩及飛鳥惠加走獸胎卵  
得以成育草木遂其零茂愷悌君子民之父母豈不然  
哉先生獨不聞秦之時耶違三王背五帝滅詩書壞禮  
義信任羣小憎惡仁智詐偽者進達佞諂者容入宰相  
刻峭大理峻法處位而任政者皆短於仁義長於酷虐  
狼摯虎攫懷殘秉賊其所臨莅莫不肌栗懼伏吹毛求  
疵並施螫毒百姓怔忡無所措其手足嗷嗷愁怨遂亡  
秦族是以養雞者不蓄狸牧獸者不育豺殖木者憂其

蠹保民者除其賊故大漢之為政也崇簡易尚寬柔進  
淳仁舉賢才上下無怨民用和睦今海內樂業朝廷淑  
清天符既章人瑞又明品物咸亨山川降靈神光耀暉  
洪洞朗天鳳皇來儀翼翼邕邕羣鳥並從舞德垂容神  
雀仍集麒麟自至甘露滋液嘉禾櫛比大化隆洽男女  
條暢家給年豐咸則三壤豈不盛哉昔文王應九尾狐  
而東夷歸周武王獲白魚而諸侯同詞周公受秬鬯而  
鬼方臣宣王得白狼而夷狄賓夫名自正而事自定也

今南郡獲白虎亦偃武興文之應也獲之者張武武張而猛服也是以北狄賓洽邊不恤冠甲士寢而旂旗仆也文學夫子曰天符既聞命矣敢問人瑞先生曰夫匈奴者百蠻之最強者也天性驕蹇習俗桀暴賤老貴壯氣力相高業在攻伐事在獵射兒能騎羊走箭飛鏃逐水隨畜都無常處鳥集獸散往來馳騫周流曠野以濟嗜欲其耒耜則弓矢鞍馬播種則杆弦掌拊收秋則奔狐馳兔獲刈則顛倒殪仆追之則奔遁釋之則為寇是

以三王不能懷五伯不能綏驚邊机士屢犯芻蕘詩人所歌自古患之今聖德隆盛威靈外覆日逐舉國而歸德單于稱臣而朝賀乾坤之所開陰陽之所接編結阻顏焦齒臬矐剪髮黥首文身裸袒之國靡不奔走貢獻懽忻來附婆娑謳吟鼓掖而笑夫鴻鈞之世何物不樂飛鳥翕翼泉魚奮躍是以刺史感滿舒音而詠至德鄙人黥淺不能究識敬遵所聞未克殫焉於是二客醉于仁義飽于盛德終日仰歎怡懌而悅服

即位告天文

漢先主

惟建安二十六年四月丙午皇帝備敢用玄牡昭告皇  
天上帝后土神祇漢有天下歷數無疆曩者王莽篡盜  
光武皇帝震怒致誅社稷復存今曹操阻兵安忍戮殺  
主后滔天泯夏罔顧天顯操子丕載其凶逆竊居神器  
羣臣將士以為社稷隳廢備宜修之嗣武二祖冀行天  
罰備雖否德懼忝帝位詢於庶民外及蠻夷君長僉曰  
天命不可以不容祖業不可以久替四海不可以無主

率土式望在備一人備畏天明命又懼漢邦將湮於地  
謹擇元日與百寮登壇受皇帝璽綬修燔瘞告類於天  
神惟神饗祚於漢家永綏四海

與羣下教

漢諸葛亮

夫參署者集衆思廣忠益也若遠小嫌難相違覆曠闕  
損矣違覆而得中猶棄敝蹻而獲珠玉然人心苦不能  
盡惟徐元直處茲不惑又董幼宰參署七年事有不至  
至於十反來相啓告苟能慕元直之十一幼宰之殷勤

有忠於國則亮可少過矣又曰昔初交州平屢聞得失  
後交元直勤見啓誨前參事於幼宰每言則盡後從事  
於偉度數有諫止雖姿性鄙暗不能悉納然與此四子  
終始好合亦足以明其不疑於直言也

諸葛武侯廟古柏文

唐段文昌

是草木有異於草木則靈武侯祠前柏壽千齡盤根擁  
門勢如龍形含碧太空散霧虛庭合抱在於旁枝駢梢  
葉之青青百尋及於半身蓄風雷之冥冥攢柯垂陰分

翠間明忽如虬螭向空爭行上承翔雲孤鸞時鳴下陰  
芳苔凡草不生古色天風蒼蒼泠泠曾到靈山老柏縱  
橫亦有大者莫之與京於惟武侯佐蜀有程神其不昏  
表此為禎斯廟斯柏實播芳馨

誡子元膺文

偽蜀王建

永平二年漢州什邡縣獲銅牌上有六十二字建嗣  
子更名元膺字昌美符銅牌膺昌之文建以元膺年  
少權重命士為文誡之曰

吾提三尺劒化家為國親決庶獄人無枉濫恭儉畏慎  
勤勞慈惠無一事縱情無一言傷物故百官吏民愛朕  
如父母敬朕如天地汝襁褓富貴不知創業之艱難更  
汝之名上應圖讖勿驕勿矜勿盈勿忌惟敬惟誠惟謙  
惟和內睦九族外安百姓赤心待羣臣恩信愛士卒刑  
罰人之命也無徇愛憎姦邪國之賊也無信讒搆絕畋  
遊之娛察聲色之禍然後能保我社稷君我民臣吾蚤  
暮戒勗恐汝遺忘當置於几案出入觀省

下蜀國教

孟知祥

取威定霸乃公侯權變之方捨爵榮勲乃皇王叙酬之  
典其或兵屯萬旅地廣三川周環列國之山河奄有全  
蜀之封部儻不從權而徇衆則稽錄効以報功今稟命  
於中朝得專制而行賞但念承世家之餘慶受旌鉞之  
殊榮自領成都於茲半紀窮奢極侈固斷意而不為講  
武教民在安邊而有作往歲方勤述職務保永圖不幸  
諸藩構成深隙此際主兵將帥爭陳排難之功運策賓

僚咸展出奇之略因興武旅分蕩渠魁累破竹以焚枯  
連開疆而拓土其次諸司奉職庶吏推誠咸著勲勞豈  
忘獎答一昨聖上以顯分忠倭遂降冊封礪岳帶河銘  
大君之異寵輅車珠冕表列國之殊榮仍示優崇俾行  
墨制上自藩方之任下及州縣之官凡黜陟幽明許先  
行而後奏自可保不僭不濫之典賞立功立事之人必  
無患於不均庶有覲於允當布告遐邇咸使聞知

錄民詞

阮昌齡

景德三年秋九日蜀民康平上欲天下皆如蜀也遂  
召我公以歸將行僚吏儒士洎外學之人咸發詞詩  
以稱導盛德而民吏謠頌無以上達屬邑吏陳留阮  
昌齡錄其民詞以獻

國無忠貞遐僻孰禦治非禍亂英雄孰覩順賊始平焚  
溺無主帝聞憫然曰公汝處公不宿命臨機威撫若漂  
而賜若旱而雨若饑而哺若嬰而乳氛沴廓清餘臬尚  
翦元戎矜功沉吟翫侮公氣如虹言發樽俎瞻汗四落

再造蜀宇迴車未停賊熾復舉賢臣迭治秦豎孰愈公  
在雍都帝憂密諭捧詔秣馬足不入戶炎風劒山五日  
而度公之來尸一從舊矩公之至日衙從雲委旦駢暮  
警執刀挾矢公曰自疑民疑何弭賓而去之權震千里  
公至之始獄不容質躬詢親決百不留一禁倖塞奸削  
枝從實以今方舊年不及日偕闕遺則五門三閫朝西  
承天規號弗革公為扁署州郡之式盡革舊制以斷民  
惑玉壘之西禽戎獸夷公爵其師誠而禮之刻已削俸

欽定四庫全書

附錄卷四十九

以懷以綏萬里亮醜磨之軒墀翹翹錯薪歲貢霧臻文

翁遠矣蜀秀無聞公薦其三

張及李  
畋張達

翩然凌雲企慕承

化儒風大振大會舊規革偃被馳公曰頓拒民其怨咨

萬衆所集必布奸欺首罪一夫路無拾遺西戎之利星

精月駟舊貫峻嚴千不一至公寬其法鵠聯鱗萃蜀蚕

奮種葉價日聳公教種桑厓疇庇壠歲不外求懽聲四

踴豪居大宅覆溝侵陌輪蹄梗蔽姦宄遁匿公直舊繩

廓然四闢周伯麗天帝億宋年訛言勃興咫尺步萬傳公

誅狂魁風清兩川公醺賓友弗鼓弗鐘奕棊排星鳴笳  
疊鋒爾威爾暇權在其中公歸內署弗跣弗寐夜息晝  
行集寅衙未必躬必親孰敢懈易蜀腰川頸春酣王柄  
妙音俊毫惠黠修整公堂蕭然鍊真弔影雷足蹄金益  
機眉針奇名怪狀水陸之琛公室罄然左書右琴無私  
於身不欺於人高卑無間毫纖必均遊之如海視之如  
春吾不知其仁我用既給我倉既溢子孫孝悌牛羊蕃  
息刑不橫及吏不相賊吾不知其德言發座右事在遠

夷法成筆下名行九園從權約制不問洪微吾不知其  
機賢愚必察親酬一平見始窮末罄理盡情若在鑑水  
若經權衡吾不知其明日帝有詔公拜以愉爰膏其輅  
爰飼其駒曰鰥曰寡晨不俟夜佇立泣俟繫公之馬曰  
童曰艾昏不俟晨驚呼踴走招公之轅有詔弗可虛席  
黃扉彼濟天下我亦隨之兩康吾蜀公豈弗思公馬既  
逸萬涕交頤願繪神姿願葺生祠青山碧隼願留兩碑

錄二叟語

何耕

立春日通天下郡邑設土牛而礮之謂之班春所從來  
舊矣其說蓋微見於呂令而詳於續漢禮儀志大抵先  
王謹農事之遺意也成都大都會自尹而下茗漕二使  
者之治所在焉將春前一日有司具旗旄金鼓俳優侏  
儒百伎之戲迎所謂芒兒土牛以獻於二使者最後詣  
尹府遂安於班春之所黎明尹率掾屬相與祠勾芒環  
牛而鞭之三匝退而縱民礮牛民謹譁搜攘盡土乃已  
俗謂其土歸置之耕蚕之器之上則蠶孽而稼美故爭

得之雖一丸不忍弃歲率以為常紹興丙子余往觀焉  
見二叟立牛側一叟撫牛而歎曰是孰象似汝孰丹堊  
汝孰引羣吏俎豆而羅拜汝方旗旄金鼓俳優侏儒百  
伎之戲雜然而前陳以導汝至此而空一府之人以觀  
汝也不亦榮而甚可樂歟俄而挺者競進擊者交下而  
汝始碎首折骨矣譟者奪者負者趨者而汝始蕩為游  
塵散為飄風矣嗚呼悲哉今夫富貴之家高明之門倚  
勢而怙寵役物以自奉噓吸生風雲叱咤為雷霆偃然

自以為莫已若也有不似茲牛之始至者乎及其權移而運去大者隕身赤族小者觸刑抵罪雖三尺孺子莫不聞而哀之有不似茲牛之既磔者乎吾悲夫禍福之無常而慶弔之相躡於俯仰之間也吾又悲夫造物者之戲人胡為而至斯極也吾是以歎一叟局局然笑曰子何言之陋耶是安從生自土而為泥自泥而為牛土不知其為牛也自牛而遭磔磔而復為土土不知其非牛也彼既不知其為牛矣則雖象似之丹堊之俎豆而

羅拜之與夫旌旄金鼓俳優侏儒百伎之戲迎而致之  
空一府而觀之彼且何榮而何喜乎哉彼既不知其非  
牛矣則雖擊之碎之敗之奪之彼且何懼而何戚乎哉  
牛固無所喜愠而世之人方且認外物以為已有其未  
得也挾術用數以致其必來而其既去則猶彈智極力  
以幸其少留也可不為之大哀乎其有愧於茲牛多矣  
而造物者初何與焉莊子曰適來時也適去順也安時  
而處順憂樂不能入也子無庸歎嘗試以是觀之余竦

然異其言迫而問之若何為者也二叟皆不告而去余  
歸而錄之蜀固多隱君子哉

論華陽縣釋奠不當廢說

李燾

凡州縣皆得祀孔子自隋唐以來著於令祖宗因之未  
始革焉而獻議者猥曰令不該載倚郭其州所治之縣  
春秋釋奠當廢禮部太常寺遂從其請愚竊以為過矣  
夫令所稱縣一也雖州所治其名號事物皆未始異其  
文何獨於釋奠而疑之盖有民斯有學有學斯有祭雖

無孔子而庠序之教已行先聖先師之祀固不乏矣而專祀孔子則始於貞觀祀者所以報德也孔子之德斯可謂至而其報之也抑薄矣釋奠者祭之略也其禮樂不具精意以享猶或嫌然於中既不能有所增益又從而末殺焉愚不知其說也國家文致太平其於學校用意尤切故發大農之錢以修廢補壞雖縣小吏亦使得參掌其政德至渥也然戎事甫修學政僅有存者耳若州所治之縣抑又甚焉破屋頽墻象設狼戾非祭之日

則洒掃往往弗及幸天子明聖制詔諸道無間遠邇悉  
崇起之士大夫莫不歡以承命功緒未亟成也而百世  
之祀浸以隳其舊典此豈朝廷意邪獻議者誠過矣古  
之教者家有塾黨有序國有學自塾而升於黨  
自黨而升於國其出入進退皆有等級次第不可超越  
陵犯所以簡賢而絀不肖也後世取法焉故州與縣皆  
自立學非直分彼此而已今州所治之縣學固在也議  
者已廢其祭乃欲使縣之諸生遇祭日則權赴州學陪

位其出入進退將何所依據耶若夫據舛駁不純之書  
惑黨遂之互名而謂學不別立者傳注之迂僻不可從  
者蓋禮莫嚴於祭其辨上下限中外也滋汲汲焉祭而  
可合則庠序之制不必分矣雖廢學可也何止釋奠釋  
奠廢則先聖先師之廟貌為無所用之立學而無先聖  
先師尚可謂之學乎設而不祭猶無也喪其本矣且州  
所治之縣其得通祀者非特孔子也社稷風雷雨師皆  
與焉釋奠并歸於州則風雷雨師社稷之祭亦在所廢

矣張官置吏治此縣也不祭社稷何以為民釋奠孔子與祭社稷寧有異哉記曰有其舉之莫敢廢也雖過而舉廢猶不敢若舉而當奈何廢之昔商之末也犧牲粢盛既於凶盜而周漢方盛時咸秩無文廣增壇場珪幣其治亂禍福皆可明鑒愚欲力破新議追還舊章使國家無殺禮乏祀之嫌其亦上之人所樂聞歟作釋奠不可廢說

成都文類卷四十九

欽定四庫全書

成都文類卷五十

宋 扈仲榮等 編

誄

白雲張先生誄

蒲氏

按國史其妻蒲氏芝為之誄

高視往古哲士實殷施及秦漢餘烈氤氲挺生英傑卓爾逸羣孰謂今世亦有其人其人伊何白雲隱君嘗曰

丈夫趨世不偶仕非其志祿不可苟營營末途非吾所  
守吾生有涯少實多艱窮亦自固困亦不顛不貴人爵  
知命樂天脫簪散髮眠雲聽泉有峯千仞有溪數曲廣  
成遺址吾欣高躅疏石通逕依林架屋麋鹿同羣晝遊  
夜息嶺月破雲秋霖洒竹清意何窮真心自得放言遺  
慮何榮何辱孟春感疾閉戶不出豈期遂往英標永隔  
抒詞哽噎揮涕汎瀾人誰無死惜乎材賢已乎吾人嗚  
乎哀哉

樂善郭先生誄

楊天惠

孟子論士以為入而獨善其身則仁義忠信樂善不倦  
出而私淑諸人則孝悌忠信誨人不倦如此人者蓋古  
之所謂天之君子而今之所謂鄉先生者也以余觀於  
樂善先生豈其人耶先生諱某字長孺自言本號叔後  
號與郭聲相似故轉為郭其遷徙入蜀初莫詳也今為  
成都人曾祖諱某大父諱某世以晦德相先迨皇考益  
力學為文詞知名於鄉先生幼讀父書盡傳其學皇考

蚤世先生執喪如成人喪除猶有餘戚奉母夫人極謹身率妻子約衣節食操井臼以養無懈時間遇親疾輒憂恐緼火結帶晨夕侍不去疾平乃已先生家居陋甚然徒步出入里閭人望之常辟易其耆壽以先生篤於親故多遣子弟持脯幣助給太夫人滫瀡裘葛費先生得之不以一錢私妻子悉歸親所數奉甘脆美好物親欲必供未嘗以有亡為解親沒先生哀毀骨立畚土成墓廬其旁三年遂菴食終身生鮮兄弟獨從兄存尤

困憊先生輟食飲饋之比其疾革有老父穉女在先生趨告之曰兄母憂其能為兄身任之即日迎館於家既辦喪與奠竟奉其父如父已歿送如禮撫女如子已長嫁以時異時先生從祖父母及叔父母皆無後委棺客土先生傾所有舉四喪葬高原春秋奠享必及無闕舅有孤兒體下不立先生携歸教畜為娶婦有子母黨之祀賴以無絕先生氣體夷粹呐呐似不能言遇人無貴賤磬折下之然其中端挺不倚終日劇談無駭雜慢戲

半語故鄉人之善者親附其不競者尊憚之平生惟好書無他嗜丹鉛點勘筆不去手自經史百代之書浮屠黃老之教下暨陰陽地理醫卜之藝吐納煅煉之術皆研盡其妙有易解十卷書解七卷老子道德經解二卷三教合轍論二卷蔬食譜一卷歌詩雜文十卷以為立身揚名莫如孝作孝行圖守節高蹈莫如隱作高逸圖善惡之應猶影響作陰德雜證圖各為之論述傳於其徒時朝廷設八行科求篤實尤異之士鄉老喜相語曰

吾里有人矣於是合千百人狀先生美行於縣於府以  
十數府縣以禮延置鄉校將薦諸朝會先生病卒年若  
干實某年月日也娶張氏生一子某登上舍第二女未  
嫁以某年月日葬某鄉里其友人楊匯曰自古賢者沒  
有易名請謚曰樂善先生而東蜀楊天惠誄之以文凡  
先生之獲於人者其斯而已矣顧不已薄哉然以聖可  
為子而疆為善頗能自將要必能起其家者則天之報  
先生其亦奚薄哉誄曰

嗚呼先生肫肫於食貧而安矻矻於為善而樂若猶  
可及然至其所以用貧以養親以裕子以博施於人  
而物我皆無憾焉是不可及已弱無固壯無專老無  
在死無餘此元次山所以哀紫芝者顧某於先生亦  
云嗚呼先生其果可以戒塗之淫佞也夫其真可以  
配古之卓行也夫

房季文誄

前人

季文房氏名彪曾祖諱某父諱某偕以邁德為成都聞

家日予假館於其家園季文從子學文最開敏有精識  
然不樂效書生作應用之詞尤羞與鄉校少年伍予曰  
子親之髮垂領矣日望子速化巨若何季文蹙然起為  
一再試學官皆異等後三年訪予於郾文益工行益峻  
潔又二年從予府城之客舍則勝言脩脩逼人予曰子  
何自得此季文曰彪比師耆而友謙之二子皆大士也  
請介以交於先生予曰固願之然恐難致耳季文曰彪  
能致之居有間二子不來予問故於原父原父曰前一

日季文死矣某拊髀嘯失涕實某年月日也於是其母若兄將以是歲月日葬之某鄉某里而乞銘於予予弗忍銘也姑誄之以遺之季文妻某幾歲誄曰

予頃疑仲尼聖之盛也頗遺恥於少賤旣老而後集成又經怪子雲賢之尤也仍竊悔於少作蓋晚而後覃經顧顏子迺交臂於壯齒而童烏驟談玄於稚齡斯已奇矣然造物者胡不既其實而司命者忍復隕其英吁嗟季文子予無以唁若矣請問諸泱泱之庭

哀詞

寧寬

張商英

熙寧元年六月壬戌有星隕於張氏之宅是夕也予兄  
殿中侍御史次功卒明年三月乙酉葬於雙流縣之關

泉鄉從父瑩禮也兄敏悟出於天稟十歲通五經善綴  
文是時祿寺府君自三江之新穿徙居於江原之金馬  
有鄉先生號為碩儒次功就學歲餘曰才有餘而道不  
足不可以為吾學府君異之以一壘土購書千餘卷資

其讀次功閉戶刻苦力學或半歲不識肉味年十八鄉書送至禮部後五年為解頭遂釋褐調南平決曹掾非其志也乃歎曰大丈夫進無竹素之功退無千古之名何以出人益發憤而大窮古人之道胷中所蘊漫淪溺渤而不能自禁於是溢為文彩頃刻千字感慤以吐其憤浩蕩以快其思曠達以疎其情清苦以斂其氣至於時之理亂民之利病曉然洞見其本末而計謀識慮常在人意之表前後封章十餘上諸公聞其名以賢良方

正科薦者五六人以臺諫館閣薦者數十人自南平更  
典祔歸獄遷襄州穀城縣令改東觀郎監閬州稅遷秘  
省丞太常博士今上即位遷田曹外郎以近臣薦其鯁  
正有先識之明擢為殿中侍御史正色言事不顧時忌  
方將大出所有以澤當世不幸以憂去職感疾而卒嗚  
呼次功之名暴於天下之耳目播於多士之詠歌記錄  
其章疏議論歲於祕府其文章流落溢於好事者之中  
箱其始終大槩具於予之行狀今其葬也內不瘞志而

外不揭表次功之名亦可以萬世矣故為詞以寧其  
魂詞曰

遵邑門以西出兮翦莽乎甘泉之野  
甍九壤而為室兮閭密乎黝無晝夜  
慨俊邁之永息兮逐霜筌而奄  
謝遺紛垢以探元兮杳未窮夫上下  
歛清氣以歸藏兮賁輜車而曉駕  
感湔流之噫咽兮抱遺恨而東瀉  
鴻靈瀕其罔物兮逝有無以更化  
惋人世之飄游兮孰悲咷之自暇  
砥才必以反戕兮彎智弧以卻射甘

大患而役形兮高不覩夫太華脩途邈其無隕兮驥  
足憊而莫跨大空蕩其亡隈兮鴻羽摧而已下既明  
哲之是卑兮胡壽年之弗假盡涼宗之薄祐兮躋百  
罹以予嫁蠹五內以寸裂兮涕浪浪而橫灑涕與血  
盡兮可奈之何伊人往矣兮遺我實多曄曄伊人兮  
其儀峨峨冠姬服孔兮躡雄蹈軻安貧力學兮一志  
無他晨炊不紹兮恬事絃歌鸞鵞翥兮匪駕匪躬  
躑躅矍眎兮弗覿

莫佳切

弗蹉刻削譎詭兮紋相謬訛

栖傳浩氣兮斟斟太和舍樓躋衡兮去潢泳河鏜韶  
頌鄭兮搗蘅刈莪雄文煥爛兮乾象森羅武庫抽鐃  
兮霜寒萬戈突為層崖兮漲為巨波呼號蕩海兮獍  
蛟戰鼉堂堂勁氣兮不撓不阿孤篁挺節兮危松擢  
柯拂屑狐貌兮毅然詆訶豪焰淖淖兮青穹上摩妙  
齡升冠兮俯陟賢科扼居下僚兮珠潛於羸嗤謂彼  
已兮胡食其禾捐生取義兮感歎汨羅忠憤自許兮  
沽求則那皂封漉血兮志念時疴議論端確兮不磷

於磨如廣指兮如桑診瘥名擅海內兮價重鑾坡  
晁劉大對兮勇過廉頗安能俛首兮塵璫娑娑熙寧  
之主兮軒道虞德寤寐正人兮心虛席側濯濯羣公  
兮推挽先識僉俞允諧兮起寘言職霜簡稜稜兮豸  
冠翬翬言行俱危兮不訐不愆網愷高造兮曩謂司  
直高步跨右兮烈無難色抉開肺腑兮捩出丹臆寧  
同江蓐兮凝止濤逼渾首可殊兮語不可默一軀胡  
恤兮誓於報國囊裝靡釋兮日俟南殛虎嘯於山兮

羆匿於棘皂鵬憂雲兮鴉鵂攏翼旦聯寶珂兮伏覲  
宸極一言感悟兮天哀太息隆棟鉅礎兮行晚厥力  
謂可近侍兮獻替失得齎齎素畜兮皋夔益稷匪徒  
藻翰兮鈇鎗絳織方圓設施兮太噉惴惴如丹伏蒲  
兮如藩批救噓吸淳風兮薰沐動植挹清浣汗兮柱  
強揅踣布序萬曜兮躔南舍北昂暈潛白兮衝妖喪  
黑慙忸勅膚兮板衽匍匐沒煙為疆兮朱耶就纏志  
遼蹏邈兮皎皎不惑車轂輶推兮蘭燭香熄笑言在

耳兮音容恍惑於庭於墻兮誕漫莫測嗚呼哀哉母  
垂白兮子勝裳死者佚兮生者傷慘聚首兮號素堂  
哀聲苦兮白晝黃魯而存兮智而亡天乎何故兮遭  
此不祥感神祇之不安兮畏山岳之摧岡駟黃螭以  
公舉兮懇予懷乎彼蒼蒼秘其冥造兮愍予心之搶  
攘假宵夢以諄諭兮漏靈機之渺茫呀九閻以洞闢  
兮進予趾乎玉廂曰地行之泯惜兮徒紘紘其吾殃  
三才剖而殊體兮吾獨宰乎陰陽蒸和融潤兮噴煥

呵涼六氣欲叶兮三辰欲光元精遺以墮世兮孰吾  
弼而還相豈而世之寶才兮吾固亦珍乎峻良忽形  
開以寤興兮諒神理之不荒苟詰施於善惡兮奚顏  
短而跖長嗚呼哀哉維昔吾考兮志操逸羣顛沛於  
善兮革家以文質衣而餽賓客兮市田而購典墳門  
惟蓬茅而賢轍常滿兮廩乏儋石而義聲四聞肆吾  
兄之肯構兮為時卿雲擎芳桂以飄纓兮釋南畝之  
耕耘嗟人事之反覆兮何變故之糾紛天澤方連於

星驛兮薤聲已咽於鄉枌悲予才之短耗疎促兮其  
曷以就先志而嗣清芬念獲終於正命兮予又烏能  
效宋玉之招魂嗚呼哀哉世衰俗薄兮仁義不施機  
巧競騖兮化為洿漓已乎長往兮蛻去如遺歸無返  
寂兮又奚其悲戢收精爽兮隱於大儀姬元朴以長  
存兮縱陵谷之改移勿降而為賢人哲士兮憂患生  
乎有知勿瑞而為騶虞鸞鷟兮嗥豺狼而噪鴛鴦勿  
秀而為紫芝朱草兮山草占春以離離勿堅而為黃

金白壁兮繞指耀鋼而眩功矜奇嗚呼噫戲兮萬古  
有畸不知其人兮視此哀詞

祭文

祭王岐公文

范鎮

維鎮與公官事多同若一臂交常相依從公進於朝鎮  
退居窮窳十六年公譽日充方遂平生奄忽以終自予  
退居人事疏絕侍從常僚不復通謁惟公每歲遇上元  
節置酒開樽笙歌間設樂道舊故窮歡極悅自顧耄耋

年七十八苟在人世能幾歲月今公此行豈為永訣所  
恨老劣不能酌別

祭李舍人文

大臨

前人

惟靈諒直果敢著於平生於朝盡忠於人盡誠伊余與  
公自幼相從粵景祐中謁來之東同年登科四紀於今  
白首一節金玉其心近自去冬詩筒見貽三老唱酬歡  
如埴甃江山之興共得其時余雖勉和計方覽窺函計  
之來肝腸摧悲賴昌寓居道遠人疲遣致薄奠公其鑒

之

祭范蜀公文

蘇軾

嗚呼仁宗在位四十二年畦而種之有得皆賢既歷三世悉為名臣今如晨星存者幾人孰如我公碩大光明導日而昇燦焉長庚死生契闊公獨壽考天實耆之以殿諸老二聖嗣位仁義是施公昔所言略行無遺維樂未和公寢不寧樂成而薨公往則瞑凡百君子願公無極胡不萬年以重王國責難之忠愛莫助之嗟我後來

誰復似之吾先君子東德不耀與公弟兄一日之少窮  
達不齊歡則無間豈以閭里忠義則然先君之終公時  
在陳宵夢告行晨起訃聞先友盡矣我亦白髮聞公之  
喪方食哽噎堂堂我公豈其云亡望公凜然猶舉我觴

又

前人

公之少年初以賦鳴挾策以東氣和而平微見角圭人  
人自驚宋氏伯仲與司衆盟見公所為屣履以迎自毀  
其文以致公名士滿太學莫之敢爭公之中歲始以諫

起堯老將傳未有立子羣公欲言以目相視公獨發之  
自詭以死帝知其忠始怒終喜復有繼者實蹈公軌公  
亦自信卒老言事公之末年終以節聞國有姦賊當之  
以身力言不從遂致為臣開門接士不怨不憤羣枉既  
消衆屈當伸有欲援之同撫我民公笑稱病誓不復振  
凡世之人有一於是翹然自名足以為貴自有其三豈  
不卓偉位雖顯融有不盡忠崧隗之間穎渙之側有廬  
可安有田可食顧惟平生篤志鍾律樂成既上疾亦告

革嗚呼昔我先人公蚤知之白首相歡往事莫追軾方  
在朝公舉諫官卒以獲罪初無一言轍來自東復館於  
門曾患之不恤而惟義是敦今其云亡無復斯人

代趙端明祭范蜀公文

馮山

大賢於人景星鳳凰不出則已出則為王者之嘉祥有  
目者爭先覩之為快及其不復見也識與不識共惜乎  
人之云亡方公妙齡起於華陽風流文彩相如子昂及  
為從官而慷慨議論揚雄李固不足以比方使中州之

豪傑視蜀青衿之子而不敢詒慢者由公為之主張白  
首玉堂而不自知聊卒歲而徜徉先請老者七年遂濯  
纓於滄浪踵越相之遺風輕二疎以糝糠方元祐之訪  
落登耆明而贊襄凡天下之大老雜還至於廟堂詔書  
旁午而不起乃引禮以抗章完始終而無虧孤高及如  
太行袞繡在前而弗之顧獨友乎仲元與蜀莊嗚呼未  
老而歸二十年流輦零落者殆盡而公方傲睨乎林泉  
忽新樂之方上梁木壞於壁田乾坤倏其安往騎箕尾

而上天其不發為卿雲甘露以輝潤乎萬物則將結為  
精金美玉而發見於山川悲夫自昔登門屬居其後束  
書從師公則誘誨義兼姻婭子舍維友宦遊窮年去德  
滋久謂言於公當享上壽杖履從公志或可就云何一  
別遂不我有我欲哭之天高地厚人亡師表國失耆舊  
江漢竭靈岷峨隕秀千里致奠豆餽卮酒言出涕隨公  
其聞否

代許內翰祭李待制文

前人


惟公金馬碧雞西南之珍奮起江漢儼蹤淵雲秉筆立  
朝婉詞皇墳熙寧之初英彥鳬藻孰不紆餘以自襮標  
公獨守官不少低繞拂衣西還便欲請老岷山之前有  
田一廛圖史自適樂全乎天嗟予鼎來冀獲親賢須公  
疾間當奉周旋云何不淑館舍是捐嗚呼性命之理在  
公已通昔生非有去亦無從公雖偃然人則懷公一罇  
一奠聊與人同

祭寶月大師宗兄文

蘇轍

轍方志學從先君子東遊故都覽觀藥市解鞅精舍時  
始見兄頎然如鵠介而善鳴宗黨之故情若舊識屈信  
臂頃閱歲四十性直且剛纖惡不容與人盡言口如病  
風惟我兄弟不見瑕疵行有利病勢有隆汙始終一意  
不為薄厚交遊之間蓋未始有昔我之東師則有言遊  
宦如寄非可久安意適忘歸憂患所由亟還於鄉泉石  
可求我志師言未返而顛師亦不待與化俱遷遣舟與  
榮萬里來計開紙失聲悔恨無所彈指西望卯塔既成

臨絕之言求我以銘自我竄逐憂病相襲緝綴清風得  
一忘十追懷曩好徒有此心心則不忘而病未能收淚  
語舟歸酌流水一生一死誠則無已



成都文類卷五十